

大慧佛土彌佛天維新觀字  
瓶山僧正 蘇澤寶全歸題字

平安  
延壽  
普濟


大佛師 加藤行海  
鳥屋 國經



8-8/

210.36T055/2

陳世帶



山河

及朱款

南

德

及朱款

定鼎山北

千歲平安

明江甲午三月中泚

叡山僧正寶金題



平安遷都史序

義氣掩難林武威衡禹域者非我王  
師膺懲之所致乎方是時大極殿結構  
新成巍然聳空金碧奪目嗚呼在昔輪  
奭之美再興且夫第四回內國勸業博  
覽會館規模大備凡金銀珠玉綾羅錦  
繡及繪畫文具動植礦物之類千種萬  
品盡陳之於一場而表古今製作精粗

之狀形使人駸駸進步於工藝殖產之途者明年乙未春舉行之 桓武帝奠都祭也此二者可謂皇國千古未曾有之大盛事矣而軍國之事日有陸續實記之出續之則腥風自起坐上其他悲壯激烈山川風雲之狀歷歷可以徵焉蓋先奠都祭而亦可無其著書哉鳥居法城氏者靜岡縣濱松人性行篤實為

法忘軀好續國史尤通曉時事可謂吾祇林之一良材也予雖未經會晤緒文字交簡牘往復殆五六年于此矣今茲甲午秋有平安遷都史之選附郵見示爰而續之延曆治蹟佛教隆運載記不遺燦爛溢紙面其文其美可以觀豈可不感嘆哉終序一言以還之時明治二十七辛亥長節後第三日鳳凰城占領

之報到日操筆於菊花香處

伊勢 加藤行海老納 和南

平安遷都史

碩堂 鳥居法城編輯

夫神州者卓出宇宙萬國雖多而國體之尊嚴不有若神州也神武帝遷都於橿原創建天業遂  
開萬世之基以鎮元元掩八紘而君臨以來寶祚之隆與天壤無窮矣列聖之威德伸暢國之內  
外國光愈發輝焉至崇神祖宗經國之制始立矣景行帝以堂々王師之遠征大怱宏祖業神后  
征三韓也國是振起于茲而數千歲之後明治之仁政其教化光被朝鮮威風震動支那文物繁  
然治教休明以與萬國相對峙雄視東方其隆興胚胎延曆之鴻業噫光輝赫灼積在磐庚之右  
而奠都平安城者人皇五十代之聖主 桓武天皇是也天皇諱山部光仁帝長子也母皇太后  
高野新笠贈太政大臣乙繼女也光仁帝寶龜三年皇后井上內親王皇太子他戶皇子並有罪廢為庶人  
於是帝與群臣議立太子藤原百川諱立帝長子山部親王參議藤原濱成曰山部母賤宜立稗  
田親王衆議不決百川按劍曰濱成之言非也夫建儲以賢不論母之貴賤山部親王合聞夙著

天下屬意何須他議帝不答起入內百川厲聲曰聖斷不承則臣不肯退立殿前四十余日帝感其誠惻乃許之遂立山部親王爲皇太子時人稱百川忠烈百川宇合之子也天應元年夏四月禪位皇太子是爲桓武天皇帝成德高時天姿魏壘不好浮華專謀經綸自登極勵心政事內事興作外攘夷狄定於古代列聖中特英主也光仁帝末年陸奧蝦夷大叛征東官軍屢不利陸奧按察使鎮守將軍大伴駿河麻呂告急光仁帝則敕坂東八國兵發每國二千以下五百以上令赴援駿河麻呂光仁寶龜十一年三月陸奧上治郡大領伊治岩麻呂反岩麻呂本夷俘之種也殺按察使參議紀廣純陸奧介大伴貞綱獨脫圍入多賀城朝廷得此報以中納言藤原繼綱爲征東大使正五位下大伴益立從五位上紀古佐美爲副使以從五位下大伴真綱爲陸奧鎮守副將軍從五位上安倍家麻呂爲出羽鎮守將軍以百濟俊哲爲鎮守副將軍敕發坂東諸國兵令赴多賀城圍下總國精六千斛常陸國精一萬斛運輸軍所此時秋田城亦危守將其永仰旨請逃守孰決然征東使稽留不進救責之急也當此時光仁帝不豫既及大漸桓武帝以爲軍國之事非爲非常大改革則不可也寶龜十三年三月多賀城陷沒

之報建延也光仁帝務節財政此時雖帝未即位察先帝志既而即位後四月敕廢員外任其文曰

惟王之器百官地量才授能職員在限茲厥後事豫議務稍繁即置員外近古因循其流蓋積譬以十年更成九牧民之受弊寔爲此焉朕肇膺寶曆君臨區夏言念生民情深撫育思欲除其殘害惠之仁壽宜內外文武官員外之任一皆解却但郡司軍殺不在此限又其在外國司多乖朝委或未知欠倉且用公麻或不畏憲綱肆漁百姓故今擇其奸濫尤著者秩雖未滿隨事貶降自今以後內外官人立身清謹處事公正者所司審訪授以顯官其在職貪殘狀迹洵濫者宜遣巡察探訪點降庶使激濁揚清變澆俗於當年憂國撫民追淳風於往昔普告遐迩知朕意焉

帝益行節儉其四月省造營敕旨三省法花鑄錢而司隸之於工匠木工內藏等察其勅曰朕君臨區宇撫育生民公私彫弊情實憂之方欲屏此興作務茲稼穡政遵儉約財盈倉粟今者宮室堪居服旣足用佛廟云畢錢價既宜且罷造宮敕旨三省法花鑄錢而司隸之

室以崇簡易之化遺宮敕旨誰免匠手隨其才幹隸於木工內藏等寮余者各配本司云云其節約可知延曆三年坂東八國將史營私田禁又關兵制如左勅曰

夷虜亂常為擾未已追則鳥散捨則蟻結事須練兵救卒備其冠掠今聞坂東諸國風有軍役每多厄弱全不堪戰即有雜色之輩浮岩之類或使弓馬或堪戰陣每有徵發未嘗差點同日皇民豈合如此宜仰坂東八國簡取所有散位子那子弟及浮岩等類身堪軍士者隨國大小一千已下五百以上專習用兵之道並備身裝即入色之人便考當國白丁免浮仍勤堪事國司一人專知勾當如有非常便即押領奔赴可告事機

又延曆三年敕國司等禁公麻田外開墾私田以妨害民產亦禁王臣及寺家兼并山林藪澤其勅曰

民惟邦本本固國寧民之所資農桑是切比者諸國司等厥政多僻不愧撫道之乖方唯恐侵漁之未巧或廣占林野吞蒼生之便要或多營田園妨黔黎之產業百姓彫弊職此之由宜加禁制懲革實濁自今以後國司等不得公麻田外更營水田又不得私貪墾闢侵百姓農桑地

如有違犯者收獲之室墾闢之田並皆沒官即解見任科違勅之罪夫同僚并郡等相知客隱亦與同罪若有人私告者以其苗字與私告人

又山川藪澤之利公私共之見有今如聞比來或王臣家及諸司寺家包并山林獨專其利是而不禁百姓何濟宜加禁斷公私共之如有違犯者科違勅罪

此等舉措皆欲實國庫以平定蝦夷也是以督促征東諸將早勉令舉其功殊切矣然其十二月陸奧鎮守副將軍百濟王俊哲討賊不利天應元年夏五月勅參議持節征東大使兵部卿正四位下兼陸奧按察使常陸守藤原朝臣小黑麻呂曰

彼夷俘之為性也蜂屯蟻聚首如亂階攻則奔逆山藪放則侵掠城塞而伊佐西古諸統八十島乙代等賊中首一以當千竄迹山野窺伺隙畏我軍威未敢縱毒今將軍等未斬一級先解軍士事已行訖無如之何但見先後奏狀賊衆四千余人所斬首級僅七十余人則遺棄猶多何須先獻凱旋早請向京縱有舊例朕不取焉宜副使內藏忌寸金成多朝臣犬養等一人乘驛入京先申軍中委曲其余者待後處分



秋九月遣征東大使藤原小黑麻呂使之復所亡諸塞又詔責益立之不進奪其從四位下如此  
尺方雖征蝦夷猶不能平定帝以從三位大伴家持爲持節征東從五位上文屋與金爲副召還  
藤原小黑麻呂延曆六年三月軍糧三萬二千余斛徵下陸奧國運收多賀城又精二萬三千余  
斛並遣徵東海東山北陸等國限七月以前轉運陸奧國又調發東海東山坂東諸國步騎五萬  
二千八百余人限來年三月會於陸奧國多賀城此時以參議正四位下中將紀古佐美爲征東  
將軍以入間廣成佐伯葛城多治比液成紀真人爲副將軍八年春三月帝遣使奉幣帛於伊勢  
大廟告征蝦夷之由也夏五月勅征東將軍曰

見比來奏狀知官軍不進猶滯衣川去四月六日奏稱三月二十八日官軍渡河置營三處其  
勢如鼎足者自爾以還經三十余日未審錄何事故致此留連居而不進未見其理夫兵貴獨  
速未開巧遲又六月者許應極熱如今不入恐矢其時已失其時悔何所及將軍等應機進退  
更無間然但久留一處積日費糧朕之所怪唯在此耳宜具滯由及海軍消息附驛奏來

夏六月征東將軍奏副將軍外從五位下入間宿禰廣成左中軍別將從五位下池田朝臣真收

前軍別將外從五位下安倍狹島臣黑繩等議三軍同謀併力渡河討賊約期已畢由是抽出并  
後軍各三千人同共渡此至賊陣夷河且流爲之君有賊徒三百人許迎迓相戰官軍勢強賊  
衆引遁官軍且戰且燒至巢伏村將與前軍合勢而前軍爲賊被拒不得進渡於是賊衆八百餘  
人更來拒戰其力太強官軍稍退賊徒直衝更有賊四百許人出自東山絕官軍後前後受敵賊  
衆奮擊官軍被排別將大部善理等戰死依之征東將軍請解軍帝大震怒秋九月持節征東大  
將軍紀朝臣古佐美自陸奧召還勅大納言藤原朝臣繼繩中納言正三位藤原朝臣小黑麻呂  
從三位紀朝臣船守左兵衛佐從五位上津連真道大外記從五位下秋篠宿禰安人等於次政  
官曹司勘問征東將軍等淹留敗軍之狀然者此回征東軍亦以敗軍終焉然帝決非以之爲終  
於是拔上田村麻呂始爲帝所撰拔田村麻呂弟田麻呂第二子也示技倆得幸機者延曆十年  
也遣田村麻呂於東海道簡閱軍士檢戎具十三年春正月爲征東大將軍大伴弟麻呂賜節刃  
告征夷事於山陵且奉幣於伊勢大廟夏五月發大軍從四位下副將軍坂上田村麻呂征蝦夷  
於是蝦夷聞風而無服會夷來降賞田村麻呂功授從三位遷近衛中將先是帝當國家多事時

更傾心於遷都是雖因藤原種繼獻議亦非帝以大和京爲不便焉能得實行之哉大和以何謂不便其國非有運河之便而當時租稅制和調庸而調與租全限實物從海內各地以人肩馬背運輸之其勞可知矣蓋大和形勢於治國上雖至極適當運輸交通不便屢使君主宰相降高原矣因之延曆三年夏丙戌敕曰

遣中納言正三位藤原朝臣小黑麻呂從三位藤原朝臣種繼左太辨從三位佐伯宿禰今毛人參議近衛中將正四位上紀朝臣船守參議神祇伯從四位上大中臣朝臣子老左右衛士督正四位坂上大臣寸蒔田麻呂衛門督從四位上佐伯宿禰久良麻呂陰陽助外從五位下船運田口等於山背國相乙訓郡長岡村之地爲遷都也以種繼今毛人等爲造長岡宮使六位官八人於是經始都城營作宮殿云云

於是帝以延曆三年斷然容種繼議決宜遷都於山背國乙訓郡長岡山背地勢東接近江西境丹波攝津南隣伊賀大和河內北至丹波而西北枕山嶽險東南帶洪河阻地形廣濶景致秀麗勝境頗多矣於是藤原種繼佐伯今毛人紀船守等爲造宮長岡宮使勅木工職失田部志和

其人令經始都城營作宮殿遣參議近衛中將正四位上紀朝臣船守於加茂太神社奉幣以告遷都之由焉又今年調庸並造宮工夫用度物廣令諸國令進於長岡宮以諸國正稅六十八萬束賜右大臣以下參議已上及內親王夫人尙侍等爲造新京之宅也百姓私宅入新京宮內亦五十七町當國正稅四萬三千余束賜其主先是繼體天皇五年冬十月遷都於山背國筒城同十二年遷於隨國云亦次遷於倭磐余玉穗焉帝移幸長岡皇后逢母氏愛不從車駕中宮復留在平城是日遣出雲守從四位下石川朝臣豐人攝津大夫從四位下和氣朝臣清麻呂等爲前後次第司奉迎焉遣近衛中將正四位上紀朝臣船守叙賀茂下上二社於從二位又遣兵部大輔從五位上大中臣朝臣諸魚叙松尾乙訓二神於從五位下以遷都也冬十二月詔賜造宮有勞者爵又免進役夫國今年田租授從三位藤原朝臣種繼等位階各有差四年春正月丁酉朔帝御大極殿受朝是日宴五位已上於內裏賜祿有差癸丑勅曰釋教深遠傳其道者縉徒是也天下安寧蓋亦由其神力矣云

又敕造宮之事出弗護已所役之夫宜給其功於是和雇諸國百姓三十一萬四千人九月廢皇

太子初帝好遊幸委政太子太子以佐伯今毛人為參議中納言藤原種繼以佐伯氏未嘗任參議奏罷其職太子由是深惡種繼常欲除之會帝幸平城種繼與右大臣藤原是公留守太子使人射殺種繼帝聞變大驚明日還宮搜索其賊捕獲左小弁大伴繼人近衛伯耆掎麻呂中衛壯鹿木積麻呂及大伴竹良等命右大弁石川名足鞠之悉獲其黨與窮問皆服罪事連太子於是誅其惡繼人流其黨與廢太子幽於乙訓寺太子遣使於諸寺預修自業諸寺恐而拒之獨善珠法師納之謂使者曰太子夙殃今受嚴譴此度債之又幸也請勿結怨矣使者復命太子喜曰我聞師言則被忍辱之衣將遂幽死絕食十余日不死遣宮內卿石川垣守等流太子於淡路至高瀬橋而氣絕載屍葬之淡路種繼宇合之孫也帝甚親任中外機務悉裁決焉遷都長岡首建其議及薨帝甚悼措贈正一位左大臣冬十月立皇子安殿親王為皇太子大赦天下高年孝義及鰥寡孤獨不能自存者並加賑恤五年夏五月新遷京都公私草創百姓移居多未豐贍於是詔賜左右京及東西市人物各有差六年冬十月敕曰朕君臨四海于茲七載未能使含生之民共洽淳化率土之內咸致雍熙願惟虛薄良用慙嘆

而天下諸國今年豐稔享此大賚豈獨在朕思與百姓慶斯有年其賜天下高年百歲已上毅人三斛九十已上人二斛八十已上人一斛鰥寡孤獨痔疾之徒不能自存者所司准例加賑恤仍各令本國次官已上巡縣卿邑親自給粟又朕以水陸之便遷都茲邑言念此民豈無驗然宜免乙訓郡延曆三年出舉未納其郡司主帳已上賜爵人一級冬十二月皇太子加元服其儀 帝皇后并御前殿令大納言從二位兼皇太子傅藤原朝臣繼繩中納言從二位紀朝臣船守兩人手加其冠了即執笏而拜有敕令皇太子參中宮乃赦天下九月敕曰

朕以眇身恭承鴻業水陸有便建都長岡而宮室未就與作稍多微發之苦願在百姓是以優其功貨欲無勞煩今聞造宮役夫短褐不完類多羸弱靜言於此深軫于懷宜諸進役夫之國今年出舉者不論正稅公廩一切減其息利縱有十束其利五束還民三束入公其勅前徵納者亦宜還給焉

延曆七年僧最澄創根本中堂於比叡山後号延曆寺最澄近江人幼穎悟年十二削髮為僧博

通經論最澄於長岡京咫尺龍顏奏言所學教法是善惡不二邪正一如魔界即佛界之所談也  
 所創建第一義諦安穩之都專掌帝德建徽岳天子本命伽藍致鎮護國家之擁護然者遷都依  
 何有滯矣十年夏四月山背國郡內諸寺浮圖經年稍久多所破壞詔使遣成加修理焉先是延  
 曆三年下勅禁王臣家及諸司寺家等專占山野事至是遣使山背國勘定公私之地名各令有  
 界恣聽百姓無失其利若有違犯者科違勅罪其所司阿縱者亦與同罪十二年春正月遣大納  
 言藤原小黑麻呂左大弁紀古佐美並僧賢傑等干山背國葛野郡宇太村相遷都地惟長岡新  
 都土地狹隘而商賈輻湊為都會大以感不便葛野郡宇太村僅雖隔三四里之地地勢作大都  
 會納人民為適當矣且其風景壯麗也抑此回遷都之議如和氣清麻呂建議基紀古佐美等奏  
 言此地左右青龍白虎前後朱雀玄武四神相應之地也往昔推古天皇十二年秋八月五日聖  
 德太子謂秦川勝曰吾昨夜夢北去五六里到一美邑楓林甚香於此林下汝饗吾甚盛吾今將  
 往川勝頓首啓曰臣臣恰如御夢即日命駕川勝先導乃臨楓野大堰邊而宿太子謂侍從曰吾  
 相此地國秀也開南北塞陽南陰北大河東流成順高嶽之上龍尋窟宅常臨擁護東有巖神別

雷西印猛靈松尾月神三百余歲後在聖皇再遷成都云誠為王氣相應之福地乎後為數代不  
 易之都焉於是三月新京城內百姓地四十四丁賜三年價值遣參議壹志濃王等奉幣於伊勢  
 太廟令奉告遷都之由夏六月課役諸國人民令造新宮諸門西南殿富門南東美福門正北偉  
 監門北西達知門北東安嘉門正西藻壁門西北談天門正東待賢門東北陽明門東南郁芳門  
 正南朱雀門南東皇嘉門已上十二門也使五位已上及諸司主典以上率役夫築新京宮城十  
 三年移東西市於新京作店舍移市人為天下諸國三日間禁殺生請百法師令講仁王經於新  
 宮秋九月三日最澄於根本中堂修供養會帝行幸隨從百官極一時盛矣冬十月葛野郡內裏  
 成就車駕在行幸焉葛野之地以為百王不易之都新制平安號肇經國之供餼龜筮皆從人神  
 胥慶據龍磐處踞之勢建萬世不易之基於此設東西二京東為洛陽西為長安嗚呼盛矣於帝  
 以前世遷其居或於一世屢遷焉上古儉朴之世則可輕遷也中世以降規模漸以大矣一遷之  
 猶累民傷財其害為大也况屢遷乎誠可見遷都不易也然帝深相地察形勢以奠鼎于平安負  
 陰面陽土沃水清山河襟帶為所謂山城之固皇居以固焉土民以安焉自此以降不敢復遷竟

為萬世不遷都矣帝敕曰

山背為國山河襟帶自然作城宜改山背為山城子來之民謳歌之輩咸號新京曰平安今宜從其號

帝意此新京水陸所湊而道路惟均故不憚一時之勞期以永遠宜定帝都也是以作長八尺許土偶人着鐵甲胃持鐵弓矢令守帝都若後世不替帝都為守護神誓而立東山上正面埋之今將軍塚是也然在國家變時謂此塚鳴動帝平安御大極殿拜賀正朔以來嗣六十四之日種曆年八百余一雖有南遷事踰年復舊焉是為鄉縣都會萬世不易之鴻基也神武紀元一千四百五十四年奠鼎以後恰經一千一百歲星霜然明治皇政以全國中央之便雖遷帝居東京城平安仍不改京都大號登極大儀大典必行平安京矣遵桓武帝遺範於是可觀也十五年先是請卅僧壹七日於宮中行藥師悔過是日事畢始用新錢奉伊勢神宮加茂上下二社松尾社亦施七大寺及野寺賜皇太子親王已下僧都律師等各有差冬十月建東寺及西寺於朱雀門左右亦創施藥院（施藥院古址在東九條鳥丸地）東寺蕃客之東鴻臚館也嵯峨帝弘仁十四年賜空海以為鎮護

國家之道場真言宗教王護國寺是也西鴻臚館也賜守敏法師對映東寺殿堂壯美為歷代祈願道場矣正曆元年二月罹祝融災建保年間淨土宗西山派祖鑑智國師留錫於同寺堂宇復舊為淨土宗更加方一字稱西方寺云然延曆十四年春正月在新都群臣迎春其年帝勅右大臣藤原繼繩皇太子學士菅野真道等撰續日本紀繼繩右大臣從一位豐成之第三子也歷文武之任居端右之重本紀未終功而薨帝甚悼愷此年藤原伊勢人創鞍馬寺又謂勤操僧始執行法華八講夏四月以遷都免諸國今年租五月於官中及東宮轉續金剛般若經又修灌頂經法為諸國國分寺春秋每讀金剛般若經十七年夏五月遣使渤海秋九月治部省解僧位與俗位相當僧綱牒備僧位有五階入位住位滿位法師位大法師位那准此又無位僧當八位入位僧七位住位僧六位滿位僧當五位法師位當四位大法師位當三位已上云十八年春二月民部卿造宮大夫和氣清麻呂薨清麻呂右京人為人杭直有匪躬之節歷事稱德光仁及帝三朝練達庶務大明古事撰民部省例二十卷又撰和氣譜掌關義田於備前永充振給卿民賴之及薨贈正三位清麻呂嘗創弘文院以教子弟冬聖體不豫遣使平城七大寺費綿五百六十斤誦

經又賑恤舊都飢乏道俗且遣使伯耆國召玄寶法師玄寶俗姓弓削氏河內人也學唯識於興福寺宜教喜質素而不喜浮華常疾細侶貧僧官族人道鏡媚孝謙帝愧潛入伯耆山中玄寶以難逃至伴化源負鉢入宮中帝疾乃瘳玄寶辭飯山因之平城嵯峨而帝特深敬寶帝幸近江國滋賀郡韓崎皇太弟從焉崇福寺遇外堂禮佛更過梵釋寺停輿賦詩皇太弟及群臣奉和者衆延曆二十三年發遣唐使藤原葛野麻呂爲遣唐大使石川道益爲副使管原清公爲判官此時僧最澄給暇與清公同船入唐空海爲求法私乘葛野麻呂船入唐大德宗貞元二十年也最澄師台州天台山國清寺道邃和尚極天台奧義又隨越州順教阿闍梨受三部密教空海師青龍寺慧果遂傳密教帝施政之始屢發嚴詔雖規僧尼品行信贊佛教之篤一詔足以証矣壤災殖福佛教尤勝誘善利生無如斯道但夫諸佛所以出現於世欲令一切衆生悟一如之理然衆生之機或利或鈍故如來之說有頓有漸件等經論所出不同開門雖異途期菩提覺猶大醫隨病與藥說方萬殊共期濟命今欲興隆佛法利樂衆生等云云

夫延曆之清世者二諦之全盛手最澄空海發揮天性之英才以空前事業施我宗教上實天皇

盛識與銳不可不謂得其宜也又於儒道拔擢管原古人及其子清公以令教諸皇子終開平安文學之基清公入唐鐘五子譽温厚和平接人懇勸能誘導後進帝嘉而給衣糧而至武則拔擢坂上田村麻呂命將皆得其道既擇其人任而無疑不敢自內掣其時宜矣田村之一戰能蝦夷征討成其功也於此武能戡亂文能致治自非英明之主安能臻此哉後世以帝爲平安文學之祖良有以也始定儲位之時徵藤原百川誰戴其英主哉百川援而立之其功豈不偉哉帝銳意圖治於是制度大備網紀悉舉本邦之文物於是爲彬彬矣帝天資英邁其聖情優美而且有機敏掌秋月因獵過伊豫親王山莊置酒飲宴日暮帝思聞鹿鳴作歌曰今日之朝開、奈久天不鹿能、其音乎、開爲波伊可自、欲波布氣奴登毛、偶有鹿鳴帝傾然令群臣和之伊豫親王善管絲帝頗寵之後屢幸焉其優情可想矣延曆二十四年秋七月最澄自唐返朝名殘于異朝洋々乎其盛哉始勝寶間鑑真歸一身生命越滔天波濤到若我邦時挾台宗章疏來時無偉器函藏而已然最澄志慕搜索早見其書不馮師訓便開講筵逃跨蒼波登台山傳妙樂之水器販八月請入唐求法僧最澄於殿上九月詔請高雄寺令講天台法門帝稱贊而勅以治部大輔和

氣入鹿賜詔

謂昔者給孤長者降能化於祇陀菴常啼菩薩開般若於尋香之域是以和信土延二六之新象設一會之法苑所以慧日增光派澄禪派一乘之玄猷始開區域三諦三微旨事被人天像季傳燈斯創軌躅隨喜法苑稱歎功德等云云又最澄阿闍梨久居東山宿緣相追披覽此典已得妙旨自非久修業所得誰敢體此心哉勅小納言近衛將監從五位下和氣入鹿差入唐清益天台法華宗還學生云云

帝篤崇佛法敬最澄以此時大儀式整頓焉往時聖武大帝講金光明最勝王經于大極殿以降每年爲恒例式殊正月御齋會帝敕爲恒例矣最澄獻唐國佛像及經書其文曰沙門最澄言竊以六爻探賡猶局生滅之鄉百物正名未涉真如之境豈若隨陀權教之開三乘機路隨自實教之示一乘道場哉然則妙法難傳流其道者聖席圓教難說演其義者天台伏惟陛下出震承圖登極膺運東夷之鄉化皈德於先年北蕃之來朝賀正於每歲於是萬機之暇一乘惟懷冀得圓宗垂爲大訓由斯妙圓極教應聖代而流傳秘寶真宗感皇緣而格

止最澄奉使求法遺蹟靈蹤台嶺越疆躬寫教迹所獲經論疏記二百三十余部并五百卷又金字法華金剛般若等經智者大師禪鎮白角如意等隨表奉進不仕誠懇戰慄之至奉表以聞云云

如此奏聞帝大悅天台章疏欲流布天下令寫之又於高雄山寺行灌頂是本朝灌頂之嚆矢也於是如最澄空海英俊偉傑之輩多出於清世文學宗教大隆興矣延曆二十四年中納言近衛大將從三位藤原朝臣內麻呂待殿上有敕令參議右衛士督從四位下藤原朝臣緒嗣與參議左大弁正四位下菅野朝臣眞道相論天下德政于時緒嗣議云方今天下所苦軍事興遺作也停此兩事百姓安之眞道確執異議不肯聽焉帝善緒嗣議卽從停廢有識聞之莫不感歎大同元年正月廢朝聖躬不豫也先是尙總正四位下五百井女王爲令聖體平善造寫藥師佛像及法華經至是功畢因用僧卅一人設齋於前殿百官供奉敕緣延曆四年事配流之輩先已放還奉爲崇道天皇令諸國國分寺僧春秋二仲月別七日讀金剛般若經有項天皇崩於正寢春秋七十皇太子哀踊擗踊迷而不起葬於山城國紀伊郡柏原山陵諱山部帝龍潛之日授從四位

下歷官侍從大學頭實龜元年授四品二年拜中務卿四年爲皇太子天宗天皇心倦萬機慮深釋重遂讓位於天皇初有童謠曰於保美野邇、多太仁武賀倍流、野倍能佐賀、伊太久那布美蘇、都知仁波阿利登毛、有識以爲天皇登祚之徵也帝性至孝及天宗帝崩殆不勝哀雖踰歲時不肯釋服帝登祚以來內務作與外事戎旅任大倚文武稱職獻可替否則有藤原緒嗣之徒折衝禦侮則有坂上田村麻呂之徒故能一攘蝦夷而終無東顧之憂經營都城而永建無疆之基觀其聽緒嗣之言立罷徭役可謂改過不吝從練如流者矣嗚呼可歎也夫

### 大極殿仁王會儀式(春秋二度臨時一代一度之三期)

高御座每間懸小幡二流又懸小華毘代一枚御座中央立佛臺懸五大力菩薩像一鋪 其前立机一脚 同案南立香花机一脚其南去壇上立佛供机一脚香花机左右立燈臺當御座巽坤角土壇上立大花瓶各一口壇南邊通壇並行香机二脚南底並立禮盤二基禮盤左右立蓋

高座各一脚講設師座母屋南柱引緋網每間懸大幡二流大花毘代一枚北庇壁十間打渡假雁臺奉懸御佛十鋪其前掛長棚香供花燈明佛教等北廂並田屋東西三行立高座九十九基比庇一行母屋北邊一行同南邊一行並北面綱所豫立標右總講師高座後鋪小帖一枚其前立磬威儀師座南座東第四間以東至第二間鋪焉其上鋪長筵其上鋪兩面緣緣端半帖黃端帖等爲公卿座上卿座後敷軾小筵一枚佛面間南砌東西相分敷長筵各一枚爲行香座南庭左右相分鋪小筵各一枚圖書堂童子座並角北行西登廊東第二間懸鐘昭訓門外南腋設公卿以下座如御齋會時公卿先着昭訓門座上卿召外記問諸司具不召辨問僧具不次仰可令打鐘由於辨次辨少納言外記史着出居座次公卿着堂前座次僧左右相分參上次諸僧惣禮或公卿以下有惣禮儀仰辨合敷座於庭中東三行並東西行次左方公卿下自南面東借辨少納言下自東福門前階外記史下自昭訓門前右方殿上人下自西華門前階各着座解劍置笏公卿先入東登廊解之次三度拜之若公卿員少無此儀次復座次圖書堂童子着次唄次行花筵次散花次諸僧行道一匝訖復座次散花仰獨留佛前申對揚畢復座堂童子收花筵退次講說如恒次



象僧退次行夕講如朝儀次有行香事咒願唱若禮版威儀師圖書等進公卿若行香座如恒東  
私西殿上 次事畢退出

依無御殿並南殿儀更不參內若執柄人參入給者殿北登郁假敷板敷爲体幕引高松軟障立  
大宋屏風敷帖北一門爲御共人座大極殿北壇上敷帖爲近習公卿以下座故觀慶阿闍梨曰  
百座仁王望不可於一處修之由見於講教云云百部鬼神王等或有爲怨敵之者仍於別所  
可修云云

公卿解劔儀

下自大極殿南面東階入於東登廊解之或到惣禮所着座復解之  
惣禮畢祭上時放二條關白自取香置座前着之參上給云云

### 平安遷都史完

#### 別記

南殿櫻 在紫宸殿巽角是大略自草創樹也貞觀年中此樹枯自根纒萌坂上流守奉勅守之  
枝葉盛云其後延喜記曰群列櫻東次有之天德年中燒失爲煨燼後康保元年正月被裁則枯  
十一月又被裁有華宴兩度之間一重明親王家樹一自西京移栽之其後度々燒失每度裁之  
近衛堀河院御宇已來木也天曆御記曰櫻樹者本是梅也

南殿橋 遷都已前人家橋也康保三年正月廿七日仰左近府被移

#### 宮居

天地の神代はまらすかし原の宮居そ國の始かりなり 定 圓

#### 大内山

百敷や大内山の丑寅にたりへの司あや奉る 光 俊

#### 雲井

よもすから雲井の庭を照すかか術士のたく火は在明の月 後鳥羽院

#### 大宮所

我國の敷の郡の内にしもをたきの里の大宮所 公 朝

8-81

明治二十八年四月十二日印刷  
全年全月十三日出版

静岡縣遠江國敷知郡濱松町紺屋  
八十七番地

兼著作  
兼發行者


鳥居法城

全縣全國全郡全町元城  
拾參番地

印刷者 伊藤武次郎

全縣全國全郡全町紺屋  
五拾參番地

印刷所 田畑活版所



SECRET

210.36

To551h

平安遷都史

鳥居碩堂

国立国会図書館

001619-000-1

210.36-To551h

平安遷都史

鳥居 法城/著

M28

ACB-4249



